

中山草堂記

方孝孺

踰浙江以東多大山東南極海上尤秀絕其最著者天台四明  
鴈蕩天姥皆穹窿嵒峻爲天下奇觀跡疑乎蓬閬名播乎區極  
士之選幽探勝者宜其樂趨之然而居其旁者往往終身未嘗  
一至豈以其崇高不易援企而遺之歟台城中有小山特立圓  
秀蒼潤遠望之如人之弁冠人因語之曰巾山其上有樓閣室  
廬之美凡人至郡者無不往游凡宅於左右者必構危架迥以  
挹取朝嵐夕霏之異態蓋其勢適且卑其所蘊易見至而窮之  
不難也是以眾樂觀焉盧處士定谷家正與山相面因名其堂  
曰巾山草堂定谷知讀書識義理其才智可用而恬靜不競非  
道藏輯要

天下名山記  
浙江巾山方

余  
軫集二

安于卑近者豈其心有所得鉅小崇卑固不足較乎夫天下之  
至崇大者莫過於道而卑且近者道亦未嘗不在也憚其難而  
安於淺陋固不可忽細微而慕夫高且大者亦烏可哉故順親  
弟長事非遠也而性與天道不外焉堯舜之道與天準而謹言  
慎行可以馴致焉巾山巖壑之盛視天台四明固有間焉其有  
會于人心而人樂之不厭者果有異乎否耶定谷必有以識此  
矣往者壬戌七月之望予偕葉君夷仲張君廷璧林君公輔陳  
君元采夜登絕頂飲酒望月縱談千古竟夕不眠予謂葉君曰  
昔蘇子瞻夜登黃樓觀王定國諸公登桓山吹笛飲酒乘月而  
歸以爲太白死三百年無此樂矣斯樂也又子瞻死後三百年

後所無也諸君皆大笑追計其時忽十五年今存者獨予與張  
陳耳二君亦將老矣予繫職業數千里未得歸然則補記定谷  
之草堂能無慨然乎定谷有子曰信慎敏而好文其尚語山靈  
待我東歸尙當約同志重游因歷覽海上諸山以盡宇宙之大  
觀其樂蓋未艾也

道藏輯要

天下名山記  
浙江巾山方

全

軫集